

徐州志

九



喬高

晉

王獻字元德本太原人與弟懿同起義兵與慕容垂戰大原徙居彭城後以襲桓玄遇害宋武帝追贈給事中安復縣侯

唐

許鐸罷武令客於隴龐勛父徐州勝以官不從崔彦魚官被囚鐸潛饋資糧及死為收瘞匿免其子弟賊平乃皆歸其喪即詔拜石首令賜銀緋

宋

是通字明遠本博之清豐人父儉始徙家彭門幼從
王尚儂太平興國五年進士至道末擢右正言直
史館知制誥入翰林為學士加承旨眷禮優厚天
禧中祈解近職判西京留司御史臺居六年請老
以太子少保致仕終少傅八十四謚文元子宗懿
知制誥亦入翰林為學士官至參知政事
范純禮仲淹子歷官右丞崇寧中啓黨禁貶靖江軍
節度副使徐州安置

國朝

文虎其先本合肥人父景宗洪武初知徐州因居焉

五十二年知州揚節仲以筮庶能幹濟薦授荊州府潛江縣知縣

董轟字文雷本浙江奉化人以父知徐州僑居于徐

轟性澁雅博通書史詞翰兼美以徐州知州揚秘

大學士徐人權謹交薦授官承天門待詔于雲大

名府學訓導舊志李燮鄭玄並東漢時人陳群三國時人按東漢以還徐治在郟城非

今彭城也又云燮十餘年還鄉里徵拜議郎則燮子孫亦未嘗家於徐今並削去

方技

漢

樊阿彭城人與廣陵吳晉學醫於譙人華佗善鍼術

凡醫咸言背及胸臆之間不可妄鍼鍼之不過四分而阿鍼入一二寸巨闕胸臆及五六寸而病者皆瘳又嘗從陀求服食方陀授以漆葉清黏散每漆葉屑一斗率用清黏十四兩久服去三蟲利五臟輕體使人頭不白阿從其言

漆葉處所時有清黏生於豐沛彭城

及朝歌間

魏

管輅字公明善仰視星辰明天文地理變化之數徐州號為神童杜工部上韋相詩聰明過管輅即此

國朝

字公冕徐州人天性曠達博學能詩文善隸書
任材使氣不拘小節以儒醫鳴於時嘗擬盧仝七
碗茶爲七碗酒及木綿歌

裴仕傑通儒書習陰陽之術末樂初徵天下儒碩纂
脩古今大典陰陽家預焉仕傑應召

周昉字彥華徐州人通天文陰陽之術景泰元年隨
征福建以占候有功歷進五官靈臺郎陞監副卒
子二佐歷陞光祿寺少卿儒歷陞應天府丞佐子
淪欽天監冬官正皆世其業

後漢

陳宣字子興性剛猛博學明曾詩遭王莽篡位隱處
不仕光武卽位徵拜諫議大夫建武十年雒水出
造津城門校尉奏欲塞之宣曰昔周公卜雒以安
宗廟爲萬世基本不當入城門如爲災異人主過
不可辭塞之無益昔東郡金堤大決水欲沒鄴太
守王尊亡身勅吏民佇立不動水應時自消尊人
臣尚脩正弭災豈况朝廷中興聖主水必不入言
未絕水去上善其言後乘輿出宣列引在前行遲
乘輿欲驅鈎宣御者墮車下宣諫曰王者承天統

地動有法度車則鳴鸞步則佩玉動靜應天昔孝
文特有獻千里馬者却而不受陛下宜上稽唐虞
下以文帝爲法上納其言遂徐行按轡遷爲河堤
謁者以病免卒於家

朱浮字叔元初從光武爲大司馬主簿遷偏將軍從
破鄯鄯拜大將軍幽州牧守薊城遂討定北邊建
武二年封武陽侯食三縣浮年少有才能頗欲厲
風迹收士心辟召州中名宿以爲從事後拜執金
吾徒討艾城侯帝嘗以二千石長史多不勝任時
有纖微之過者必見斥罷交易紛擾百姓不寧六

年有日食之異浮因上疏曰日者衆陽之所宗君

據郡典縣皆為陽為上為尊為長若陽上不明尊

長不足則干動三光垂示王者陛下哀愍海內保

育生人而今牧人之吏多未稱職小違理實輒見

斥罷豈不粲然黑白分明哉然以堯舜之盛猶加

三考大漢之興亦累功效吏皆積久養老於官至

各子孫因為氏姓當時吏職何能悉理議論之徒

豈不誼諱蓋以為天地之功不可倉卒艱難之業

當累日月也而問者守宰數見換易迎新相代疲

勞道路尋其視事日淺未足昭見其職既加嚴切

人不自保各相顧望無自安之心有司或因雅軋

以駟移怒向求長短求媚上意二千石及長史迫

於舉劾懼於刺譏故爭飾詐偽以希虛譽斯皆舉

陽騷動日月失行之應願陛下遊帝下其議群臣

多同於浮白是牧守易代頗簡舊制州牧奏二千石長吏不任位者事皆先下三公帝時用明察不

復委任三府而權歸刺舉之吏浮復上疏言之七年轉太僕浮又以國學既興上書言宜廣博士之選帝然之二十年遷大司空二十一年坐免二十五年徙封新息侯永平中有人辭言浮事者遂賜死長水校尉樊儵言於帝曰浮事雖昭明而未達人聽宜下廷尉立著其事帝亦悔之

劉矩字叔方少有尚節舉孝廉爲雍丘令以禮讓化民其無孝義者皆感悟自革民有爭訟矩常提耳訓告訟者感之輒各罷去其有心略遺者皆推尋其主後太尉出廣舉矩賢良方止四遷尚書令矩

性亮直不能諧附貴勢以疾去官起補從事中郎
復為尚書令遷宗正太常延熹四年代黃瓊為太
尉瓊復為司空矩與瓊及司徒种暠同心輔政號
為賢相尋以蠻夷叛免靈和初再為上公所辟召
皆名儒宿德不與諸郡立通順辭默諫多見省用
復以日食免卒於家

矩叔父光仕為司空
以辟拜議郎

南北朝

劉粹字道冲沛郡蕭人事宋武帝冠京城叅建武軍
事以功封西安縣五等侯轉中書諮議叅軍奉文
帝鎮京口盡心於國封灑縣男後遷相國司馬左

衛將軍改封建安縣侯文帝即位領寧蠻將軍襲
陽新野二郡太守在任簡役愛民罷諸沙門二千
餘人補府史卒族第損字子騫宋元嘉中為昆郡
太守至闔門便入泰伯廟時廟室頽幾垣墻不脩
損愴然曰清塵尚可髮髯衛字一何摧頽即令脩
葺卒贈太常損叔父鎮之字仲德衛將軍毅之父
也宋時以教貴顯間於京口未嘗應召謂毅曰汝
必破我家教甚畏憚之每還京口未嘗敢以羽儀
入鎮之門以左光祿大夫徵不就卒

劉伯龍少貧薄及長歷位尚書左丞少府武陵太守

貧屢乞其嘗在家慨然召左右將營十一之方忽
見一匙在傍撫掌大笑伯龍嘆曰貧窮固有命乃
復爲鬼所笑耶遂止

宋

寶沔蕭人喜儒學有遠識能招賢以教子姓四方賢
士日遊其門仕爲光澤簿蕭縣學在舊城西北無
人之境衆不樂居沔白邑宰出已貲購邑東南明
矣之地遷之巖端中爲記

見學
校

元

寶文瀾蕭人仕爲陝西諸道行御史臺監察御史文

章政事卓異於人後遷朝列大夫浙江廉
事

劉福注至孝父母存則能供其旨居喪寢苦枕塊飭
粥至終喪如一

國朝

高異志博學能文元末為鄮山書院山長 國朝洪

武初徵備元史為翰林編脩累遷侍講學士太常

少卿庚辰會試典文檢士鑒別精審輿論推服之

薛顯少通韜略膂力絕人元末大亂顯亦歛兵自衛

至聞 太祖起兵知天命有在遂率所部詣泗州

附順擢親軍都指揮分鎮江西從征荆楚遷右丞
還與大將共北定齊魯燕冀論功封朮城侯食祿
二千五百石洪武二十年將兵屯塞上防胡以疾
卒于軍追封永國公謚桓襄 詔賜塋于鍾山之
陰長子經初授羽林左衛鎮撫累功陞左軍都督
次子纓北州中護衛指揮僉事女一為 肅王妃
孟驥字尚德洪武初以薦授驛丞歷遷至貴州左布
政使有惠政得夷民心秩滿乞留 詔增秩還任
後致仕歸卒

歐陽武初以懷材抱德薦授戶部主事歐陽武

以賢良方正薦授貴池縣丞一時同有賢聲

郝鏗以懷材抱德見用於洪武初由伏羌縣丞歷甘泉井陘縣令仕終興通判所至種種多德澤民咸去思之

劉儼字若思洪武中由國子生爲慈利縣丞廉節剛方督儲底績以薦詣闕賜燕仍遷知慈利廉愛益著尋以疾歸比還囊篋蕭然儼好學明經義時縣令郝玘爲建易安書院聚徒授講蕭士宗之

李鉞字廷器正統中仕爲浙江温州同知時部邑瑞安羅洋諸所海寇鈔掠爲患鉞往平之冒矢石觸

危險獲其渠魁宜之法餘脅從者招撫復業民賴
安堵以功增秩歷知開封鞏昌二郡所在有惠政
致政民尸祝焉

朱信少穎拔甫弱冠遂領宣德乙卯鄉薦初爲浦江
學訓繼遷在平教諭敦朴素厲清介生平不妄取
常捐俸以濟諸生之乏者門人如都御史畢亨京
兆尹白良輔輩乃出其門下蒙其恩澤及信卒越
千里爲文以吊之

孫德成化甲申由國子生仕爲吏部司務遷工部員外
郎所居稱職在官凡二十五年致政還家益不

恒躬自驅驢負薪山澤間惡衣糲食晏如也士論
推之爲古君子

丁仁字汝愛蕭人由例首嘉靖二十年授山西隰州
判官時雲索三村人作亂州牧屢捕弗獲仁至乃
單騎往開諭之衆咸感服悲泣請命仁率之往見
州牧牧爲驚歎撫按文章上其事二十一年欽陞
隆平知縣值胡人擾邊撫臺以仁守紫荆關胡平
大有獎資在官八月以疾卒

王業由舉人嘉靖癸丑授永清縣令政尚平恕一介
不苟至於遇抑豪右則綽有風裁尋擢御史權貴

憚之卒于官

朱玳由歲貢初授莒州訓導遷趙州學正歷保寧府
教授純朴無偽清脩苦節淫聲冶色絕不亂其視
聽簡默端凝見者欽服歷仕三郡克對師模諸生
罔不敬比愛充以長者稱于鄉

南具蚤孤事母至孝母卒廬墓泣奠三年

彭訢兒父疾亟醫療弗效夜焚香籲天剖腹烹進父
食之愈

唐鸞天性篤孝父母繼卒居喪如禮及葬結廬墓側
負土成墳者三年知縣馮顯上其事弘治十五年

受旌嘉靖十一年所司復表甘肅

孫應奎字天瑞蕭人力農事母屈氏甚孝母病思食
剖瓜時四月未實應奎奔號四投忽從野蔓獲之
母食病愈時人以為孝感

劉鑛甫十歲即知子道父載有長者風偶得疾鑛對
天泣禱鄉人異之及長母病鑛夜然香燭祈于北
斗願以身代會大風卒至揚沙走石燭終不滅母
亦尋愈後由太學生任徽府審理導王以正

甚敬憚之屢求終養不許今旨表其弟曰孝行
鑛竟以不獲歸養鬱懣成疾卒於官

蔣仕為庠生時父故哀毀極至負土成墓結廬其側
家素貧妻子饑寒不恤焉三年延不履私室母故
築之廬之一如父喪時服闋親友迎之歸偶慶雲
見於山隅人共指為孝感後應貢三任教職清脩
愈勵每日吾求無忝於所生

潘廷恩

紅亭鄉民

幼失父力耕養母訓二弟成人母故

樞結廬墓傍哭奠壘土啖蔬三年鄉人皆稱孝友

岳鍾靈

性稟謙冲天植純孝父病醫禱備至竟不祿

既塋志欲廬墓念母老不收遠出乃于堂外設主
折爻哀奠且厝定省於慈悝三年間未嘗一窺私

鄉人稱其得事死事生之禮

任逮髫年即清修苦學事親以孝聞父歿哀痛踰

結廬於墓日必致奠而泣聞者傷之毛御史復

造其廬服闋以選貢授樂亭丞遷蘄州經衛忠勤

廉幹為當路嘉重

張成本縣樂善鄉人高福本縣仁智鄉人何成本縣仁智鄉人謝玉本縣仁智鄉人

正統五年各出小麦一千一十石輸官賑濟貧乏

正統六年 詔旌為義民仍命有司表其門

朱輓性質直好義樂施正德壬申山東盜起剽掠將

及蕭蕭人先往避匿州境輓載麥八百斛以濟乏

食者邑人至今義之

吳氏何鑑妻年二十一而鑑卒止一子在襁褓吳事
舅姑孝謹撫子成立貞淑爲鄉里所稱

黃氏穆三妻歸穆六月而夫卒黃時年十八歲有遺
孕生子端黃竭力以養姑撫孤孝致而兼義方貞
白之操終身不議

康氏王彬妻年十七歸彬越五年彬卒一子某甫三
歲康守節刻厲以訓遺孤有斷機風子果成學登
第年七十九卒

王氏庠生馬世祿妻世祿先嘗授以古列女傳等經

輒燒大義世祿卒王氏年二十二扶柩往殯行泣
大慟比壑投壙欲徇者屢諸媪強掖之歸竟雉經
以死鄉人重憐之爭爲質棺以殮即日啓夫窆合
殯焉時巡按督學諸臺使聞之各爲文遣官以祭
縣令孫重光爲撰墓表尋上聞明年旌表其門
曰貞烈

徐氏黃恩妻年十七歸恩二十一無子而寡舅姑屢
將奪其志不爲屈日躬紡績以自贍鄉人至憐而
周之以壽終

郝氏生員十同妻年三十二生子甫歲而夫亡值姑

孫氏老病郝侍養勤勞百狀病篤至爲嘗糞及姑
卒劇力以爲歛隆冬惟單衣自蔽雖膚趾皴裂不
恤甘心貧苦以身徇節邑人仰之

馬氏趙之璧妻壁以力學邁疾篤晝則侍湯藥夜則
焚香請代度壁湏臾死遂自經壁竟不起同日棺
殮

丁氏彭好古妻好古補邑庠生有文聲以好學嬰疾
丁殫力事之至忘寢膳繼而好古疾且革丁泣曰
子危矣吾願與子合殯且不忍見子之絕也先
日自經死有司以聞 詔旌其門

婦人鄭槐妻早寡以遺腹不忍自決及期幸舉一子
辟纁鞠育備諸艱苦而貞白之操至死不變

郝氏李宗孔妻年二十而孀居栢舟之矢可貫天日
每逢節序及宗孔忌辰灑酒大慟累日不食事姑
猶以孝聞

宗氏开邦洋妻夫婦皆少恒愛且敬不幸邦洋一疾
不起宗從容殮之殮畢大慟有頃即自經死

馮氏葛爲綌妻締婚未幾而爲綌疾馮爲之如蔬籲
天以祈陰祐既而疾且增劇馮爲治棺衾奠具既
備潛入臥內自經爲締亦尋卒遂與之同殯焉

孫氏宋瑛妻年十九而瑛卒孫欲即引決其舅氏覺而止之曰吾與汝姑俱抱夙恙危若朝露汝夫不幸天實喪予有汝在尚相依倚以全殘喘今若此將置吾二老於何地乃相嚮而哭孫始忍死以終養調藥侍饘益修婦職舅姑歿喪塋皆以禮旌其門曰節孝

陳氏郝臣妻年十七適臣越三年臣故陳哭之幾絕時遺孤方五月而舅姑皆垂白遂剪髮自誓孝事尊人養生送死曲盡婦道育子一本博學姱修由母氏和熊之功有司爲旌其門

士英者三越月寢膳輒忘士英竟不起撫棺泣血
七日不食即自經

趙氏劉楚才妻趙父文鑑閩人也爲蕭丞見楚才少
有奇質遂以女妻之年二十四而楚才卒欲以身
殉念姑老且遺腹甫六月不果後舉一子趙親操
井臼以養姑育子慈孝兼至壽七十九卒

徐氏劉子奇妻子奇庠之彥也筮婚而疾篤徐捫淚
事之不懈及卒徐屢欲自經姑泣慰之曰而翁蚤

世吾所以不即死者以汝夫在也又不幸中道棄
捐汝子尚在襁褓汝死吾與汝子何歸况汝父瞽
且獨汝之一身子道婦道母道備焉汝何以死徐
稍悟黽勉事姑而撫孤人皆賢之有司表之曰雙
節之門

朱氏孫雷妻雷負異才而夭折朱年僅二十哀毀幾
不生誓以死守惟偕一老嫗擘麻躬織冰霜同操
人以爲廼祖鄉進士信之遺訓云

王氏童生李世甲妻年十七而于歸甫及九月世甲
以力學致疾卒王哭之嘔血聞者傷之越二日自

經以列

僑寓

晉

孫惠字德施本吳國富陽人父祖並仕吳惠口訥好學有才識州辟不就寓居蕭沛之間

宋

孔恩宣聖五十六代孫南渡徙居于蕭四世孫午當金末聚眾誓約捍禦一境元初授徐州觀察副使

沛縣

漢

曹參沛人秦時爲獄掾豪吏高祖爲沛公參以中涓
從擊胡陵方與音房攻秦監軍大破之取胡陵漢
王辟皇帝位以參爲齊相國六年賜參爵列侯食
邑平陽萬六百二十戶世世勿絕孝惠元年更以
參爲齊丞相參盡召長老諸先生問所以安集百
姓言人人殊參未知所定聞膠西有蓋公善治黃
老言使人厚幣請之旣見蓋公言治道貴清靜而
民自定推此類具言之參於是避正堂舍蓋公焉
其要用黃老術相齊九年齊國安集大稱賢相蕭
何薨參入相始參徵時與何善及爲宰相有隙至

何且死所推賢唯參參代何爲相舉事無變更一
遵何約束擇郡國吏訥於文辭謹厚長者卽召除
爲丞相史吏言文刻深者輒斥去之日夜飲酒不
事事帝怪相國不治事讓之參免冠謝曰高皇帝
與蕭何定天下法令旣明具陛下垂拱參等守職
遵而勿失不亦可乎帝曰善參爲相三年薨謚曰
懿百姓爲歌之曰蕭何爲法較若畫一曹參代之
守而勿失載其清靜民以寧一

王陵沛人始爲縣豪高祖微時兄事之及高祖起沛
入咸陽陵亦聚黨數千人居南陽及漢王還擊項

籍陵乃以兵屬漢項羽取陵母置軍中欲以招陵
陵使人詣母所陵母曰善事漢王無以老妾故持
貳心遂對使者伏劍而死陵卒從漢王定天下封
安國侯陵少文任氣好直言爲右丞相二歲惠帝
崩高后欲立諸呂爲王問陵陵力爭之曰高皇帝
刑白馬而盟曰非劉氏而王者天下共擊之今王
呂氏非約也太后不說問左丞相陳平及絳侯周
勃等皆無不可陵讓平勃曰始與高帝啖血而盟
諸君不在耶絳欲阿意背約何面目見高帝於地
平曰太后欲廢陵迺陽遷陵爲帝太傅實奪之

相權陝謝病免杜門竟不朝請十年而薨

周人從高祖起沛至霸上西入蜀還定
三秦賜食邑池陽從東擊項羽戰不利終無離上
心上以縲為信武侯食邑三千三百戶欲自擊陳
豨豨流止上以為愛我賜入殿不趨後改封酈城
侯孝文五年薨謚曰貞

樊噲沛人也以屠狗為事與高祖俱隱初從高祖起
豐高祖為沛公以噲為舍人嘗從攻胡陵方與擊
泗水戰郤司馬尼及從擊章邯軍從攻東郡守尉
於成武從擊秦軍出定南從攻長社攻武關咸破

虜斬級其從擊章邯攻陽城擊趙賁軍破揚熊於
曲遇攻宛陟攻雍城戰襄國破栢人咸先登下敵
斬獲甚衆賜爵國大夫歷進爲舞陽侯與諸侯剖
符世世勿絕初項羽在戲下欲攻沛公沛公因項
伯謝羽鴻門羽旣饗軍士中酒亞父謀欲殺沛公
令項莊拔劍舞坐中樊噲居營外聞事急乃持鐵
盾直撞入立帳下項羽目問爲誰張良曰沛公參
乘樊噲項羽曰壯士賜之卮酒彘肩噲旣飲酒拔
劍切肉食盡之項羽曰能復飲乎噲曰臣死且不
避卮酒安足辭且沛公先入定咸陽暴師霸上以

待大王大王今至聽小人言與沛公有隙臣恐天
下解心疑大王也項羽默然沛公如廁既出與樊
噲等從間道歸走霸上軍是日微噲入營譙讓項
羽沛公事幾殆漢王賜噲爵列侯號臨武侯噲娶
呂后女弟呂須爲婦生子仇故此諸將最親先黥
布反時高祖嘗病臥禁中詔戶者毋得入羣臣絳
灌等莫敢入十餘日噲乃排闥直入大臣隨之上
獨枕一宦者臥噲等見上流涕曰始陛下與臣等
起豐沛定天下何其壯也今天下已定又何憊也
且陛下病甚大臣震恐不見臣等計事獨與一宦

者絕乎且陛下不見趙高之事乎高帝笑而起孝
惠六年薨謚武

夏侯嬰沛人爲沛旒司御以太僕從高祖多戰功沛
公爲漢王賜爵列侯號昭平侯後復爲太僕從入
蜀漢還定三秦從擊項籍至彭城項羽大破漢軍
漢王馳急常跋孝惠魯元棄之嬰常收載漢王怒
欲斬嬰卒得脫而致孝惠魯元於豐以功益食茲
氏汝陰細陽凡六千九百戶高祖崩以太僕事惠
帝及高后德之賜嬰北第第一曰近我以尊之
文帝立復爲太僕八歲薨謚文侯初嬰爲滕令秦

車故號滕公

周昌苛從弟秦時爲泗水卒史及高祖起沛從沛公
爲職志從入關破秦沛公爲漢王以昌爲中尉尋
拜御史大夫從破項籍封汾陰侯昌彊力敢直言
自蕭曹等皆卑下之高祖欲廢太子而立戚姬子
如意昌廷爭之強上問其說昌力爭昌爲人吃又
盛怒曰臣口不能言然臣期知其不可奉詔後
上以留侯策止昌爭時呂后於東廂聽見跪謝之
如意爲趙王年十歲高祖徙昌爲趙相昌因臣初
起從陛下獨柰何中道棄之於諸侯乎帝曰吾極

知其左遷然吾私憂趙念非公無可者公疆爲我
行高祖崩太后薨殺趙王昌謝病越二歲薨謚曰
悼

周苛沛人初從沛公以爲客及爲漢王以苛爲御史
大夫楚圍滎陽急漢王遁去使苛守滎陽楚破滎
陽苛嫚罵曰若趣降漢不然爲虜矣項羽怒烹苛
後論功封苛子爲高陽侯

周勃沛人以材官引疆攻胡陵下方與最後從高祖
戰功居多拜爲將軍封列侯食絳邑勃爲人木疆
敦厚本好文學高帝以爲可屬大事又嘗語呂后

曰安劉氏者必勃也惠帝六年為太尉高后崩與丞相陳平等議共誅諸呂迎立代王是為文帝既即位以勃為丞相賜金五千斤邑萬戶尋謝相印就國其後有上書告勃欲反下尉逮捕治之薄太后以冒絮提帝曰絳侯綰皇帝璽將兵於北軍不以此時反今居一小縣願欲反邪帝於是赦勃復爵邑就國十一年薨謚曰武侯次子亞夫初仕為河內守文帝復封為條侯六年匈奴太人邊以亞夫為將軍軍細柳帝自勞之軍士吏披甲銳兵刃殺弓弩持滿天子先驅至不得入軍門都尉曰

軍中聞將軍令不聞天子詔有頃上至又不得入
上使使持節詔之迺傳言開壁門壁門士請車騎
曰將軍約軍中不得驅馳天子迺按轡徐行至中
營亞夫揖曰介冑之士不拜請以軍禮見天子爲
動改容式車敬勞將軍成禮而去旣出門曰嗟乎
此直將軍矣稱善者久之軍罷拜中尉景帝時吳
楚反以亞夫爲太尉將兵擊之三月而吳楚平遷
丞相上廢栗太子亞夫固爭之不得上由此疏之
竇太后欲封皇后凡王信爲侯亞夫曰高帝約非
有功不得侯信無功侯之非約也上默然而沮後

匈奴臣五人降漢上欲侯之亞夫曰彼背其主降
陛下侯之即何以責人臣不守節者乎上曰丞相
議不可用迺悉封爲侯亞夫因謝病免相頃有上
變告其子事連汙亞夫下吏入廷尉因不食而死
審食其沛人漢王敗彭城西楚取太上皇呂后爲質
食其以舍人侍呂后其後從破項籍封碭陽侯呂
后徙陳平爲右丞相以食其爲左丞相

鄂千秋沛人漢祖定功行封千秋進曰蕭何有萬世
之功當第一上曰進賢受上賞何功雖高得鄂君
乃益明矣封安平侯

任敖沛人少爲獄吏高祖嘗避吏吏繫呂后遇之不
謹敖素善高祖怒擊傷主呂后吏及高祖初起敖
以客從爲御史守豐二歲高祖爲漢王敖遷爲上
黨守陳豨父時敖堅守封爲廣阿侯高后時爲御
史大夫孝文元年薨謚懿

施讐字長卿沛人沛與碭相近讐童時從碭田王孫
受易後讐徙長陵田王孫爲博士復從卒業與孟
喜梁丘賀並爲門人賀爲少府薦讐結髮事師數
十年賀不能及詔拜讐爲博士甘露中與五經諸
儒雜論同異於石渠閣讐授張禹禹授彭宣繇是

施家有張彭之學

高祖沛人治易其學亦亡章句專說陰陽災異自言
出於丁將軍傳至相相授子康及蘭陵毋將末康
以明易為郎末至豫章都尉繇是易有高氏學

鄧彭相字子夏沛人嘗從梁丘賀子臨受易仕至真
定太傅

聞人通漢字子方沛人后蒼說禮數萬言號曰后氏
曲臺記東海人孟卿受之以授通漢通漢以太子
舍人論石渠至中山中尉郡

慶普字孝公沛人與戴德戴聖亦同受禮於孟卿故

大戴小戴慶氏禮並傳普仕為東平太傅

蔡千秋字少君沛人嘗受穀梁春秋於魯榮廣又事
王孫皓星公為學最篤宣帝時為郎召見與公羊
家並說上善穀梁說擢千秋為諫大夫給事中後
左遷平陵令上求能為穀梁者莫如千秋復拜郎
中召將選郎十人從受汝南尹更始翁君本自是
能千秋說矣

姜肱字伯淮彭城廣戚人廣戚今沛縣地與二弟仲海季江

俱以孝行著聞其友愛天至肱博通五經兼明星

釋士之遠來就學者二十餘人辟命皆不就二弟

名聲相次亦不應徵聘時人慕之肱嘗與季江謁

郡夜於道欲殺之肱兄弟更相爭死賊遂兩

釋焉但掠奪衣資而已既至郡中肱終不言盜聞

而感悔後乃就精廬求見皆叩頭還所略物肱不

受而遣之後與徐釋等俱徵不至延熹二年尚書

薦釋等曰臣聞善人天地之紀政之所由也詩云

思皇多士生此王國天挺俊乂為陛下出輔弼明

時左右元業者也伏見處士豫章徐釋彭城姜肱

汝南袁闓京兆岸着穎川李曇行純德繡著才人

若使擢發三事暢亮天工必能翼宣盛美增光日月桓帝乃以安車玄纆備禮徵之並不至桓

帝乃使畫工圖其形肱伏臥於幽閣以被緇面工

竟不得見之中常侍曹節等專執明事誅陳蕃竇

武欲借寵賢德以釋衆望乃台徵肱爲太守肱得
詔乃私告其友曰吾以虛獲實遂籍聲價明明在
上猶當同其本志况今政在闕豎夫何爲哉乃隱
身遜命遠浮海濱所以玄纁聘詔書至門靈帝詔曰肱抗
凌雲之志養浩然之氣以朕德薄未肯降志昔許
由不屈王道爲化夷齊不撓周德不虧州郡以禮
優順勿失其意肱使家人對云久病就醫遂羸服間行窺
伏青州界中賞卜給食歷年乃還熹平二年終于
家弟子陳審劉操追慕肱德共刻石頌之

劉 馥元穎建安中爲揚州刺史恩化大行百姓樂政
流民越江山而歸者以萬數於是立學校廣田爲

戰守備及卒士民追思之子靖嗣遷廬江太守

曰卿父昔爲彼州今卿復據此郡可謂克荷者也

後上疏陳儒誦略云其經明行脩者則進之以崇

德流教廢業者則退之以懲惰後遷鎮北將軍開

招邊守屯據險害邊民利之嘉平六年薨謚曰景

三國

樓玄事吳上孫皓從九卿侍御正身率衆奉法而行

應對切直數忤皓意後人誣玄謗訕政事命送廣

州華歆言玄清忠奉公是眞當世乞赦前愆責其

後效皓疾玄聲名竟從交趾殺之

劉毅字希樂沛人也少有大志不脩家人產業仕爲州從事桓弘以爲中兵參軍屬桓玄篡位毅與劉裕何無忌等密謀討玄戰於崢嶸州乘風縱火盡銳爭先玄衆大潰燒輜重玄走死及義旗初興適毅以喪家居遂墨經從事詔以毅爲都督豫州揚州歷陽廬江安豐五郡諸軍事豫州刺史持節將軍常侍如故以匡復功封南平郡開國公兼都督宣城軍事給鼓吹一部俄進拜衛將軍開府儀同三司進爲都督荆寧秦雍四州之河東河南廣平

揚州之義城四郡諸軍事衛將軍開府儀同三司
荊州刺史持節如故後裕以毅貳已乃奏之安帝
下詔裕自率衆討毅命王弘土鎮惡等率軍攻之
毅遂自經死毅兄邁字伯群有才幹爲殷仲堪中
兵參軍桓玄之在江陵甚豪橫士庶畏之過於仲
堪玄曾於仲堪廳事前戲馬以稍擬仲堪邁時在
坐謂玄曰馬稍有餘精理不足玄自以才雄冠世
而心知外物不誅之仲堪爲之失色玄出仲堪謂
邁曰卿乃狂人也玄夜遣殺卿我豈能相救邁以
正辭折仲堪而不以爲悔仲堪使邁不都以避之

玄果令追之邁僅而免禍後為竟陵太守及毅與
劉裕等同謀起義邁將應之事泄為玄所害

劉弘字和奉少遊洛陽與武帝同居未安里又同年

累遷荊州都督在州多善政永興二年進車騎將

軍及卒父老追思如甘棠之詠召伯焉舊志載朱
綽為桓冲

參軍位至西陽廣平太守及冲薨綽感冲恩厚嘔
血而死武陟字元夏與二弟叔夏季夏並總領州

名事晉拜為開府儀同三司叔夏至敬騎
常侍季夏任尚書皆無他善狀並不傳

南北朝

朱齡石字伯兒沛人綽之子世為將齡石少好武事

宋武帝以為建武參軍轉領軍參軍累功為建威

將軍益州刺史蜀平封豐城侯尋為相國右司馬
弟超石亦果銳雖出身將家兄弟並閱尺牘為徐
州主簿義熙十二年北伐還超石前鋒遂潰大軍
進尅蒲坂以為河東太守後除中書侍郎封興平
縣五等侯

劉臧沛人性方正篤志好學居家以孝聞仕梁為著
作郎子璠九歲而孤居喪合禮少好讀書無善文
筆十七為上黃侯蕭擘所器重或辭色不平璠曰
何王之門不可曳長裾也遂拂衣去擘謝之乃止
母死居喪毀瘠感疾服闋後一年猶杖而後起及

曄終於毗陵故吏多分散璠獨奉曄喪還都墳成
乃退後隨豐侯蕭脩出爲北徐州刺史卽請爲輕
車府主簿兼記室叅軍脩爲梁州又補爲中記室
補曄陽太守屬侯景渡江梁室大亂脩以璠有才
略甚親委之時周文以璠爲中外府記室遷黃門
侍郎儀同三司周明帝初授內史中大夫掌綸誥
尋封平陽縣子在職清白簡亮不合於時左遷同
和郡守蒞職未期生羗降附者五百餘家洮陽洪
和二郡羗常越境詣璠訟理後爲隴右總管府司
錄卒於官著梁典三十卷有集二下卷行於世璠

祥字休徵幼聰慧以神童稱事嫡母以孝聞十
歲能屬文十二通五經仕梁爲記室參軍江陵平
隨例入關中齊公憲召爲記室府中書記令掌之
齊齊露布卽祥文也累遷車騎大將軍儀同大將
歷長安萬年二縣令頗獲時譽卒於官初璠所
撰梁典始就未及刊定而卒臨終謂休徵曰能成
我志其在此書乎休徵脩定繕寫以竣乃事璠兄
瓌仕梁歷職清顯璠子行本起家梁武陵王國常
侍遇蕭脩以梁州北附遂與叔父璠歸周寓居新
豐每以諷讀爲事雖衣食乏絕晏如也周大象宰

宇文護引爲中外府記室武帝親總萬機累遷掌
朝下大夫及宣帝嗣位多失德行本切諫忤旨出
爲河內太守及尉遲迥作亂攻懷州行本率吏人
拒之拜儀同賜爵文安縣子隋文帝踐祚拜諫議
大夫檢校中書侍郎上嘗怒一郎於殿前答之行
本進曰此人素清其過又小上不顧行本正當上
前曰陛下不以臣不肖令臣左右臣言若是陛下
安得不聽臣言若非當致之於理安得輕臣而不
顧臣所言非私因置笏於地而退上歛容謝之遂
原所答者雍州別駕元肇請上欲下法外罪一

其教命輕忽憲章虧法取威非人臣之禮上嘉之
賜緡首匹拜太子左庶子領侍御史如故皇太子
虛禮敬憚時唐令則爲左庶子太子每令以弦歌
教內人行本責之曰庶子當匡太子以正道何嬖
昵房帷之間哉令則甚慙時左衛率長史夏侯福
爲太子所昵嘗於閣內與太子戲福大笑聲聞於
外行本時在閣下聞之待其出數之曰汝何小人
敢爲褻慢因付執法者推之太子爲請乃釋之太
子嘗得馬令福乘而觀之太子甚悅因欲令行本

復乘行本正色曰至尊置臣於庶子位欲輔導殿
下以正道非爲殿下作弄臣太子慚而止復以本
官領大興令權貴憚其方正無敢至其門者由是
請託路絕吏人懷之未幾卒于官上其傷惜焉

劉軻沛人流離郴湘至韶家焉博學多識遊長安爲
馬植所竒遂登第歷官至侍御史所著有春秋指
要翼孟子諸書數十卷摭言稱其文章與韓柳齊
名

國朝

呂寧字安仁賦性剛直
中由國子
初仕爲戶

部主事遷員外郎嘗薦郡人權謹于朝世多

知人

劉昇字仲剛由國子生為監察御史遷吏部郎中蓋

式字儀敬止大學生仕為戶部主事蔡偁字汝濟

任監察御史陞浙江按察司僉事吳希文字友章

以賢良方正授獻縣知縣李仲字繼卿濤州人

以丙戌進士受行人司行人遷戶部員外郎陞光

祿寺少卿六人皆進士

孫全漢臺里人事母以孝問母歿竭力營喪事躬負

上成墳廬墓三年

龔謙千秋里人貧而能孝父先逝事母曲盡子職母

卒哀毀踰禮結廬於墓朝夕號泣

趙安泗亭人母早逝事父盡孝父沒踊慟幾絕三年

墓居

趙清孜之子也初孜年十七嘗割股以療親疾孜死
其妻卓氏貞居垂四十年教清業儒應貢爲國子
生清性篤直剛方事母純孝母歿廬墓三年形神
俱敝母墓澗河會大水且至清籲天曰墓陷則清
與俱沒矣俄而水溢弗沮廬傍有隙清居卒不暇
塞夜有鼠銜草築之稿灰復榮秀凌波而聞者皆異
其事清卒有司以鄉賢崇祀之

楊冕邑庠生事母至孝母歿廬墓三年哀痛極輟嘉
靖中有司奏聞旌表仍賜冠帶行其

瑛戚里人天性朴實事親孝母歿廬墓三年銜哀茹血服闋親友相率往迎之歸月餘病卒

楊直家漢臺里人性至孝年甫十四母馬氏疾篤刲豚醢進母食之愈有司達于督學御史今補邑庠生月給米贍其母東萊年二十二卒

張奉漢臺里人父與繼母先後疾卒既就殯奉廬墓不歸縣令聞之給以布粟未幾奉亦卒于墓所按三人薦孝秉禮而天竟奪其年人皆傷之

李三陽家貧力食母唐氏卒負土為墳廬守二年梅映春父信卒喪葬一於禮躬為封樹廬墓二年及

母卒亦如之

張楫性醇篤事母克孝及母卒居喪毀瘠及葬廬而居之三年後返

江漢行惇倫秩父嬰寢疾偶思鹿脯漢力不能致潛割左臂肉脯而進之父疾愈

許九官少孤祖母楊育之嗣楊遶奇疾危甚醫云惟人肉可療九官乃於後園引刀割股楊啖之疾果愈

甄瑾周昉李卓王元蔣榮張麟黃成馬士雲龔成黃智卓狂周成俱本縣人正統五年各出小麥一千

金石助賑、詔旌爲義民仍命有司表其門曰尚
義

元

王氏劉門婦也夫卒誓不再適天曆二年 詔旌其
門故蹟猶存北門外

國朝

白氏李伯奴妻父思明無子以女贅伯奴洪武乙丑
伯奴從征戍死于邊白年二十惟一女甫週誓不
再適孝事父母歿竭力營葬鄉人有欲娶之者屬
其隣媪以言白正色拒之茹糗衣惡織紵自給守

節四十餘年卒宣德中有司上其事旌表之

張氏漢臺里人張浩女年二十里人蔣政聘之未行
政卒女聞之慟哭幾絕欲往吊父母不可比出殯
欲往視塋之又不可女曰若不吾從有死而已父
母弗聽往送政喪比歸張已自經死

石氏諱景兒廣戚里人石隆女父早喪獨與母居年
十七許配里人張旺兒未娶旺以疾卒景聞之哀
痛不已至夜乃自經死與旺合塋

陳氏諱李春千秋里人陳宣女性聰慧幼有志操嘗
讀孝經列女傳通大義里人甄時用聘之年十一

未歸時用以疾終眷聞之憂形於色竊入寢室
書時用及已姓名置諸懷中自經死遂與時用合
殯焉

郭氏諱青兒漢臺里人郭端女年十八許配甲人王
成一曰成與隣人競計欲自死乃請郭氏囑其梓
求一相見郭拒之求至再三終不與見成歸自經
死郭聞之痛咽不食弟爲死計母覺之防範甚嚴
弗獲及成將就窆欲往送喪父母不許乃給母求
麵羹食母入厨良久遂自經死時縣令率僚屬帥
生牲吊祭之遂令與成合殯尋達于督學御史立

石表其墓

袁氏漢臺里人袁經女性貞靜年十七未嘗一出門
闕正德辛未流賊鈔掠隸沛境邑人皆棄家走避
經慮女爲賊所掠令男服雜衆走女出門里許還
顧父曰我爲女子不能貞信自守僞飭偷生吾耻
之俄而賊追迫將及適道傍有大坑塹女遂絕父
前行墮塹中死

賀氏生員馬繼立妻年十八歸繼立克盡婦道繼立
早逝無子而貧親族或勸之他適賀堅卻不從孀
居五十二年貞白亡間有司相繼表其閭

陳恕妻恕患腫疾，姜日夕憂勞，盡脫簪珥以佐醫藥，費愈年，恕竟不起，悲號五日，不進水漿，乃解。恕平日所束帶，自經死。

而後是三日不食，欲自決，家人守之甚密，明日五鼓守者稍倦，遂自經死。

俗

送

閔仲叔本太原人，世稱節士，雖風黨之清，自謂弗及也。嘗見其舍菽飲水，遺以生蔬，受而不食，建武

中應司徒侯霸之辟既至霸言不及政事遂辭出
授劾而去復以博士徵不至客居安邑老病家貧
不能得肉日買猪肝一片屠者或不肯與安邑令
因敕吏常給焉仲叔恠而歎曰閔仲叔豈以口腹
累安邑耶遂去客沛以壽終

國朝

甄實字德輝直隸慶雲人由舉人歷官末樂宣德間
任太僕少卿湖廣四川布政使宣著勤能往來於
沛愛其土俗及致政遂家焉今其子世為沛人

齊梁人也彭越爲人時嘗與布游窮困賣傭於

齊爲泗水家保數歲去布爲人所略賣爲奴於燕

爲其主報讐燕將臧荼舉以爲都尉及荼反漢擊

燕虜布梁王彭越聞之乃請贖布爲梁大夫使於

齊未反漢召彭越責以謀反夷三族梟首雒陽下

詔有收視者捕之布從齊還奏事彭越頭下祠而

哭之吏捕以聞上召布罵曰若與彭越反卽吾禁

人勿收若獨利而哭之與越反明矣趣烹之布顧

曰願一言而死上曰何言布曰方士之困彭城敗

滎陽成皋間項王所以不能西徙以彭王居梁地
與漢合從苦楚也當是時彭王一顧與楚則漢破
與漢則楚破垓下之會微彭王項氏不亡天下
已定彭王剖符受封亦欲傳之萬世今反形未見
以苛小案誅滅之臣恐功臣人人自危也彭王已
死臣生不如死請就烹於是上釋布拜為都尉孝
文時為燕相吳楚反以軍功封酈侯燕齊之間皆
為藥布立社號曰藥公社景帝中五年薨

申屠嘉梁人以材官蹶張從高帝擊項籍遷為隊率
從擊黥布為都尉孝惠時為淮陽守孝文元年舉

故吏士二千石從高皇帝者悉以爲關內侯食邑而嘉食邑五百戶後以御史大夫代張蒼爲丞相因故邑封爲故安侯嘉爲人廉直門不受私謁是時鄧通以文帝弄臣戲殿上嘉召通請丞相府欲斬之通頓首首盡出血不解放至乃免嘉爲丞相五歲帝崩孝景帝卽位二年晁錯爲內史貴幸用事諸法令多所變更嘉疾錯會擅穿宗廟垣爲門奏請誅錯帝謂錯無罪罷朝嘉謂長史曰吾悔不先斬錯乃先請之爲錯所賣至舍因嘔血而死謚爲節

丁寬字子襄梁人也初同郡項生從田何受易時寬
爲項生從者讀易精微才過項生遂事何學成謝
寬寬東歸何謂門人曰易已東矣寬至雒陽復從
周王孫受古義號周氏傳景帝時寬爲梁孝王將
軍距吳楚號丁將軍作易說三萬言訓詁舉大誼
而已今小章句是也寬授同郡田王孫王孫授施
讐沛人孟喜梁丘賀繇是易有施孟梁丘之學
焦贛字延壽梁人嘗從孟喜問易會喜死京房以爲
延壽易即孟氏學從之爲京氏學

橋仁字季卿梁人也與同郡楊榮同從小戴受禮學

仁仕爲大鴻臚榮仕爲琅琊太守由是小戴有橋
楊之學

周慶字幼君丁姓字子孫皆梁人從魯榮廣受穀梁
春秋宣帝時選郎十人從蔡千秋受穀梁學會千
秋病死徵江公孫爲博士劉向以故諫議大夫通
達待詔受穀梁欲令助之江復死迺徵慶姓二人
待詔保官使卒授十人自是穀梁之學大盛慶與
姓皆爲博士

劉紆梁人與阮孝緒劉歆爲二隱嘗卜築鍾山有終
焉之志常着葛皮冠披衲衣遊山澤風神頽俊意

氣彌滿過者以爲神人

韓俞字伯俞碭山人事母至孝一日被笞泣不已母曰常笞爾爾甘受之今泣不已何也曰常笞痛知母力強今不痛知母力衰是以泣也

唐

朱全昱徐州碭山縣人五代梁太祖兄也太祖將受禪有司備禮前殿全昱祝之顧太祖曰朱三爾作得否太祖燕居宮中與諸王飲博全昱酒酣取骰子擊盆而迸之呼太祖曰朱三爾碭山一百姓遭逢天子用汝爲四鎮節度使於汝何負汝滅他唐

家三百年社稷吾將見汝亦其族矣安用博為太

祖不悅罷會令豈亦不樂在京師嘗居陽山故里

友寧累功贈開府儀同三司追封安莊王友倫
為檢校司空膠州刺史追封密王皆梁太祖子

元

曹伯啓字士開陽山縣人弱冠從東平李謙游篤於

問學至元間歷仕為蘭溪簿以薦授西臺御史累

遷集賢學士御史臺侍御史泰定初致仕伯啓性

莊肅奉身清約在中臺所獎情名士甚多著有詩

文十卷漢泉漫藁續集三卷行世六子十孫皆顯

仕

前碭山人博學能文累官陝西諸道行臺御史中丞贈體忠守憲功臣行省左丞魯郡公謚文貞

成克敬字簡卿碭山人敦朴務實由歸德軍判官轉國子典籍卒贈朝列大夫秘書少監上谷郡伯

許義夫碭山人爲夏邑縣尹每親詣鄉社教民稼穡見民勤者賞之惰者罰之境內豐足後爲豐丘尹值群盜劫掠州縣義夫單騎出郊力言豐丘邑小民已驚竄幸無入吾境民獲免於難

壽信碭山人性儉素事二親盡孝每朝夕供膳必俯伏四拜而後退人問其故答曰父母之恩終身難

報跪拜何勞不少憚有司以聞至元間被詔旌其

門

國朝

黃正氣質剛方洪武中爲邑吏以直言徵奏對稱旨
擢右僉都御史卓有風裁彈劾不避權勢後迂旨
黜爲英山縣吏會金山寇叛求能討平之者或以
正子琰聞徵琰至對曰臣年幼才弱不如臣父上
遂遣人徵正至復以爲右僉都御史即日關辭渡
江募勇敢士得十萬餘人遂討平之陞左僉都御
史未幾討雲南叛夷亦降還至普安爲賊創傷卒

陳敬開韜略末樂中以戰功官至中軍都督僉事出
鎮山海永平法令嚴明軍民懷服

張宏性孝友勤於問學末樂中由國子生仕為開封

府同知遷戶部郎中律已廉潔出知荊州府政務

既平所守益勵門絕私謁人每稱之曰閉門張云

洪武中有陳簡直魏志道高敏魏宗周並以薦用
備員任段州知府志道任懷慶府同知敏歷官知

州工戶部州揚州知府宗周任泉
州知府皆無治蹟可考並不傳

李穩字邦泰由進士任仁和縣知縣鋤強扶弱吏畏

民懷遷御史有風裁彈劾不避以觸權貴落職歸

嘉靖初應 詔起遷浙江按察僉事吏事精確聲

望煒然尋乞終養歸居鄉恂恂稱長者已而
以賢能疏用竟不起終于家

張倫性醇厚與物無忤事父母至孝以歲貢任谷潛
訓導遠項城教諭所至以道誨人時僚友有夫婦
偕卒于任者無子獨遺二女遠弗克歸倫為治具
營葬復為二女捐俸資遣之再遷陳州學正不就
引去

趙紳居鄉以孝弟稱家素貧無一介苟取由歲貢司
訓濟源在官常徒行或一蹇驢從諸僚後其顛僕
如此時詔下河南祭濟瀆慎選清白官主祀事

紳被首推高濟人愛之刻石以紀其事

紀義學傳行醇遂於易理由歲貢任仁和縣永守身
廉潔聲績茂著會卒于官上下皆痛惜之後以名
宦見稱云

段廷光天性醇朴由國子生任西安簿介不苟取奉
公爲民遺母喪歸行卒費亦不給邑人思之爲立
祠祀且彙詩文以頌之名曰思賢以謹

紀曼邑庠生儀度雍雅器宇清粹昔里子時讀書務力
行實踐每念身體髮膚受之父母遂置一青囊出
入恒佩之每落髮必蓄囊中比常動履率服先

訓書不詳喪結廬舊本側日三負土加塚上三年積塚
若然斯夕有群雀集巢林相呼並鳴依依馴
得之氣定相感焉

趙光性孝友言動中法則有古君子風父卒于官
扶柩歸葬廬于墓側朝夕哭奠負土封樹旣終制
始歸養其母後母卒復廬墓不歸

劉誠少爲邑學吏滿歸奉母極孝母卒哀毀盡禮旣
殯廬墓朝夕哀奠聞者悲之

張拱辰邑庠生嘉靖辛亥單縣巨賊董大有公行劫
掠拱辰父文淵力衛鄉曲賊并衆攻之一時喪元

者五人拱辰見父中創肉袒冒刃赴闔而死

苗興王景翹人崇教王都東張社胡榮段高成子

社范福榮社許泰社王全馬昂周

良輔人正統五年各出小麥一千石有奇輸官

賑饑正統六年詔旌為義民仍命有司表其門

曰尚義

五代

石氏梁賀王友雍之妃李存勗入汴聞妃色美召之

妃媢罵不從見殺

元

牛氏慶興妻年二十興歿宗黨欲奪其志叱曰此心
已定敢有復言者我當以頸血濺之我死則垂白
姑舅強舖弱息豈能自存是禍我一家語畢復大
泣衆不敢言牛躬勤織紉以養二親及卒葬祭成
禮具式殺其子

國朝

張氏劉卿妻年十六歸卿會正德壬申流賊攻破碭
城殺人數賊驅諸婦女入其巢如束雞豚就時
圍也張獨不入賊迫之婦以掌憤擊賊面罵不絕
口賊怒舉刀先截其掌復刺二刀死賊肆其屍于

東門上

武氏馬寓妻年三十一為賊執賊食之武曰我良家子肯從爾賊任死但乞一快爾賊猶未怒武乃灑涕食中擲之于地憤罵激賊賊大怒殺之

陳氏趙鈇妻居村落中賊至舉火家人俱逃散陳慮出門為賊辱竟投烈火中死

段氏毛九韶妻九韶少孤育於叔父母毛年十六而歸之九韶卒段欲以死殉家人覺之防嚴弗得死啓居食息與一老嫗俱既而以歲除歸父母家或誘之曰爾上下皆無倚誰見爾名節何苦乃爾婦

怒辭詣夫墓大慟返至途中解衣與所同行老嫗
爲別曰自是不復爾累矣是日歸卽稱病遣人報
其母父謂具疾也往問之比至則改已經矣

宋民向希堯妻年十八希堯遭疾將革朱許以死殉
希堯旣歿卽從母家取色服母覺其有死意戒姑
慎防之朱曰父守夫極哭之哀水漿不入口者七
日姑力勸之食乃勉爲一啜粥且給從求益姑方
厨朱遽引聲長慟以首一觸樞而絕姑驚出扶之
則額裂流血被面不可爲已事聞 詔旌之

段氏庠生張拱辰妻年十九于歸拱辰爲盜所害段

之欲自盡以孕故中止居無何產男五日而夭
良之死計益次姑覺之與同居段曰母過防死
亦多術矣水不入口者七日姑知其不可問曰第
從汝志即強起飲食遍辭諸親哭於拱辰柩次尋
縊焉

段氏太學生薛銳妻銳卒業南雍疾革段籲天剖股
以和藥銳竟不起段哭之哀甚少司空馬一龍聞
而哀之手作輿董命同舍各致賻且賢致段扁其
門曰節義段之守貞埒於水藥監司復以貞節表
之

宗謙妻段為處子時以孝聞年二十三宗謙

卒則自經以殉家人救之蘇段不食者三日自經

者三舉家人防之益嚴段故稍稍解願舅姑幸其

悟也防亦漸懈即乘間雉經以死段氏四女兄弟也皆牛氏裔舍

生以道節固根天性亦其遺澤未斬與

王氏年十六歸單上進士進久嬰寢疾王侍湯藥不

少懈竟不能起王拊心踊足以首觸棺破面折鼻

家人競持之不得死越宿乘間復自縊死時年二

十歲事聞當道表揚交加督學耿御史定向令以

公帑之金制衣豐碑以識其墓

李氏庠生趙汝器妻甫及笄而于歸汝器以疾卒趙
欲殉之舅姑泣止之曰汝夫不惟汝欲與偕亡誠
偉節也顧襁褓弱息趙氏之宗盟攸託汝死其何
以全子是亡趙也汝熟思之李乃悟勉強自存孝
奉二親義方其子藉然以節孝稱巡按士表其門
焦氏生員毛國光妻居嘗以順謹聞不爲冶容嫚語
年二十一國光病卒家人不知焦之欲以死殉也
方爲國光屬績而焦已入室自縊矣

王氏毛九式妻年十九式歿
三日不食媪母楊氏知王有遺腹勸之曰汝當自
盡不得死無棺痛哭

一生男是式不死也婦悟始營葬事後生子
味伶仃孤苦無以自存宗黨欲奪其志氏厲聲誓
之衆莫敢犯卒獲完節

高寓

秦

劉季沛人始皇時有望氣者言東南有天子氣季輒
自負嘗隱芒碭山澤間結納豪俊故灌嬰十三侯
皆從季起兵于碭

豐縣

漢

蕭何豐人爲沛主吏掾高祖爲布衣時及爲亭長時
何數以吏事護之高祖起爲沛公何爲丞督事沛
公至咸陽何獨先入收秦圖籍沛公以是具知
下阨塞戶口多少疆弱處項羽立沛公爲漢王而
三分關中地王秦降將漢王怒欲謀攻羽何諫之
曰夫能誦於一人之下而伸於萬乘之上者湯武
是也臣願大王王漢中養其民以致賢人收用巴
蜀還定三秦天下可圖也漢王乃以何爲丞相
進解信漢王以爲大將軍說漢王引兵東定三
河昔收巴蜀諭告天下沛公先破秦入咸陽還軍霸上漢王與沛公

擊是。何守關中轉給饋餉軍中無乏。漢王常失軍。何常與關中卒輒補缺。五年漢王即皇帝位。以何功最盛先封爲酈侯。功臣皆言何徒持文墨議論不戰顧居臣等上。何也。上曰。諸君知獵乎。夫獵追殺獸者狗也。發縱指示獸者人也。今諸君功狗也。至如何功人也。群臣皆莫敢言。列侯畢已受封。奏位次上欲何第一。關內侯鄂千秋進曰。蕭何萬世功當第一。上乃令何第一。賜帶劔履。上殿入朝不趨。悉封何父母兄弟十餘人。皆食邑高祖崩事惠帝。何病上親自臨視何疾。何舉曹參代何買田宅。

必居窮辟處為家不治垣屋曰今後世賢師吾儉
不賢母為勢家所奪孝惠二年薨謚曰文終侯鄱

之鄱俗偽作
鄱今正之

盧綰豐人與高祖同里綰親高祖太上皇相愛高祖
綰同日生里中交持羊酒賀及高祖綰壯學書文
又相愛高祖為布衣時有吏事避綰宅常隨上下
及高祖初起沛綰以客從入漢為將軍常侍中從
東擊項籍以太尉常從出入臥內衣被食飲賞賜
群臣莫敢望雖蕭曹等其親幸莫及綰者封長安
侯綰與劉賈擊臨江王共尉還從擊燕王臧荼皆

沙斗乃立為燕王。紹立六年，以陳豨事見疑，上親
笑，噲擊，縮縮悉將其官人家屬騎數千居長城下。
候伺，幸上病愈，自入謝。高祖崩，縮遂將其衆亡入
匈奴。匈奴以為東胡，盧王居歲餘死胡中。

隋

劉權字世略，彭城豐人。軌之孫，少負俠氣，後折節好
學，動循法度。開皇中，以車騎將軍領鄉兵，後從晉
王廣平陳進，授開府儀同三司、宋國公。十二年，拜
蘇州刺史，賜爵宋城縣公。煬帝嗣位，拜衛尉卿，進
位銀青光祿大夫，累加金紫光祿大夫，尋為南海

中盜起權召募撫諭群盜降附帝聞而嘉之及至南海甚有異政數歲遇盜賊群雄多願推權爲首權竟固守以拒之子世徹又密書請權稱時方擾亂諷令舉兵權召集僚佐對斬其使矢無異圖守之以死卒于官

五代

朱珍徐州豐人也少從梁太祖爲將善治軍選士累立戰功拜瀋州刺史

宋

李若谷字子淵徐州豐人舉進士累官至參知政事

以太子少傅致仕卒年八十贈太子太傅諡康靖

若谷性資端重在政府論議常近寬厚治民多智

慮愷悌愛人其去每見思子淑作淑賜字獻臣年

十二真宗幸毫獻文行在真宗竒之命賦詩賜童

子出身試秘書省校書郎寇準薦之授校書郎館

閣校勘輿輿初遷大理評事脩真宗實錄為檢討

官書成改光祿寺丞集賢校理為國史院編脩官

召試賜進士及第改秘書郎進太常丞許州歷官

翰林學士中書舍人端明侍讀二學士卒贈尚書

右丞淑警慧過人博習諸書詳練朝廷典故凡有

沿革帝多諮訪制作詒命爲時所稱又嘗修國朝
會要三朝訓鑒圖閣門儀制所著別集百餘卷

李壽朋字延老淑之子也慶歷初與弟從圭同試學
士院賜進士出身判吏部南曹使行諸陵奏言昭
憲皇后誕育二聖爲國之母獨以在塋安陵不及
時祭請更其禮從之遷群牧判官歷開封府推官
戶部判官知鳳翔府才敏而多事改司馬光出使
薦其能加直史館入直舍人院同修起居注進戶
部鹽鐵副使暴得疾卒詔中使撫其孥賜白金三
百兩壽朋子復圭字審言通判澶州歷知滑相涇

三州臨事敏決推稱健吏在涇州時民苦三司轉運使拆稅繁困復主為之奏免民立祠祀之

宋汝為字師禹豐人靖康元年金人犯京師闔門遇

害汝為思報之建炎二年金人再至謁部使者陳

邊事遣對行在高宗嘉納特補修武郎假武功大

夫開州刺史奉國書副京東運判杜時亮使金時

劉彥節制東平丞相呂頤浩因致書豫汝為行次

壽春遇完顏宗弼軍不克與時亮會獨馳入其壁

將上國書宗弼盛怒劫而縛之欲加慘辱汝為一

無懼色誓命惟請達書而就死宗弼顧汝為不屈

遂解縛廷之曰此山東忠義士也聽往見豫汝爲
持願治書與之開陳福禍勉以心義使歸朝廷豫
拘留汝爲誘以官固辭紹興十二年汝爲亡歸作
狀復方略獻于朝久之將殺汝爲于金人汝
爲乃變姓名爲趙復徒步入蜀勸金道爲假僧舍
居之間檜死日除此巨蠹中原恢復有日矣後竟
終於蜀隆興二年其子南強以汝爲之死哀懇于
朝參知政事虞允文錢端禮以聞特官其子有忠
嘉集行于世

姚孝鑑字仲純豐人政和四年登科調代州兵曹金

兵入鴈門州將議以城降官屬畏怯投死無所
錫投牀大鼯略不爲意大府就注五臺簿因家五
臺善治生州境歲飢出家所藏粟一萬石賑貧乏
多所全活自號醉軒所著有鷄肋集

元

袁遵道字叔正豐人氣剛直性穎悟年十六能誦五
經初爲國學四門館正字陞伴讀歷仕中外及致
仕授翰林直學士大中大夫凡居官行事毅然不
惑而勇於有爲每有異蹟年七十四以疾終後以
子貴贈中奉大夫中書參知政事護軍追封汝南

郡公謚文靖子深仕至奉訓大夫吏部侍郎

國朝

王正字惟中刻志好文精於詞翰洪武初以翰林學士宋濂薦明經任翰林孔目陞四川瀘州知州進秩致仕子度亦以懷才抱德薦任刑部主事改河間府判

陳明善唐懋並以薦用明善累官至山東濟南知府致仕年九十終懋任山西太原府判陞浙江金華府同知

王獻由舉人仕爲兵馬指揮執正不阿時禁軍盜劫

戚以財命捕甚急獻緝獲法司欲有所原獻亦
竟置干法

裴紀字克振由舉人仕爲河南鈞州同知躬率孝弟
勸課農桑卓有政譽歷任六年郡人思之

李俊成化間仕知湖廣光華縣務敦朴素以身率物
訟簡民安改知靖海時邑人不樂儒業諸生率以
漁爲生俊至多方誘引資給朝夕歲三年士風遂
振忽一日以公事出外會母喪計至即長往不顧
吏人還檢宅舍止俸數斗而已其清介如此

胡寧先任涪州知州母故廬墓三年後任葭州勸農

後少志卷之五
九十九
興學爲一方賢牧

秦英徵士無蹟不傳

周潭字德隱少補邑庠諸生性至孝喪父哀痛無已
廬墓三年後居母喪亦如之

劉德恩早喪母事父克孝父疾革割股其妻見其流血不止痛泣驚心而卒德恩持股肉爲湯以進父食之愈越二年方卒邑令任惟賢爲捐葬地遂遷母合壙焉結廬哭奠者三年尋以毀傷之過卒邑令尹梓爲治棺殮師生爲文祭之

李淵事父以孝聞父病不療於醫乃剖股以進父遂

以瘠嗣以壽終治喪循禮既窆即倚棹致孝

年始歸

祖母祖母嬰寢疾百計醫禱竟

無禱畢力治喪廬墓三年

朱景清性純朴善事親服勞承志務得其懼母卒泣

踊幾絕負土作穴廬而守之三年罕跡城市

孫榮字世華性孝友家人化之百口同爨者凡五世

成化五年大饑與邑人李積各輸粟以賑賴以全

活者甚衆

李鑄一鄉七級保人張祥二鄉司馬保人胡祥一鄉留保人孔儘在城人

一鄉大 烏保人 王順舉 四鄉永 李保 四鄉永 周興甫 二鄉

苗城保人 侯宗祿 四鄉力保人 正統五年各出小麥一千五

十石輪官賑濟止統六年 詔旌為義民仍命有

司表其門曰尚義

吳氏劉志明妻年十四而歸志明越明年志明卒遺

孕三月後舉一子名臣茹哀育子不貳其操會罹

水患饑窘十狀吳繼繼自給裸子讀書名臣亦順

母志有所成立

周氏李晟妻甫笄年適成未幾晟以疾殂周即自經

突... 河家入... 不遂...

家人範已者嚴似不得死所乃斷髮自誓撫棺
子為嗣冰霜勵節終始不渝

王氏孀生孫修妻性貞靜事修甚恭修年少而遭
歿子望星無計及卒王泣曰子弟姓我即見子於
地下也泣罷忽自經死

周氏孀生樂鸞妻年二十六而鸞故遺子民瞻甫三
歲其家甚貧周朝夕織紡自給教成其子處霜茹
冰如終不變鄉人欲以貞潔舉于官竟力辭之時
尤服其高云

戴氏崔大節妻年十八大節臥病擬不能起戴即自

誓不生或勸之食乃終不食及大節死戴亦同死
李氏年十六適童生周詩未踰年而詩卒李即絕粒
家人勸之不應潛解經于椹傍因合殯焉

僑寓

戰國

豐公接前漢書高帝紀贊曰春秋晉吏蔡墨有言陶
唐氏既衰其後有劉累學擾龍事孔甲范氏其後
也而大夫范宣子亦曰祖自虞以上為陶唐氏在
夏為御龍氏在商為豕韋氏在周為唐杜氏晉主
夏盟為蒧氏范氏為晉士師魯文公後世奔秦後

歸于晉其處晉者為劉氏劉向云戰國時劉氏自

秦獲於魏魏六國時秦代魏劉氏隋為秦滅魏遷大

梁非始皇滅六國之宗都于豐故周市說雍齒曰豐故梁地

也是以頌高祖云漢帝本系出自唐帝降及于周

在秦作劉涉魏而東遂為豐公豐公蓋太上皇父

其遷日淺墳墓在豐鮮焉及高祖即位置祀祠官

則有秦晉梁荆之巫豐屬荆有南巫也按此則劉氏遷豐

實自豐公始也

國朝

關唐江西奉新人宣德中為豐縣尹致仕因家焉詳見

寶

方技

國朝

李復字明善豐縣人善陰陽曆數之學任南京欽天

監副

徐州志卷之五終